

do si trata, fino si alda l' orator novo di Franza che ozi dia zonzer quì etc.

162 Se intese come ozi saria quì monsignor di Soglier qual vien di Franza. Et cussi zonse in caja di l' altro orator francese.

Veneno in Collegio con bella compagnia 4 oratori di la comunità di Padoa a congratularsi di la creation dil Serenissimo, i quali fono domino Nicolò Doto cavalier, domino Antonio Cao di Vacha cavalier, vestiti d' oro, domino Marsilio Papafava dottor et domino Zuan Piero di Obizi. Et venuti in sala, il Papafava fece la oratione vulgar ma molto bella, extollendo assa' le laude dil Doxe, et il Principe li rispose benissimo *etiam* lui, fo longo. Da poi fece 4 cavalieri, zoè uno di diti oratori, qual fu l' Obizi, e tre di citadini venuti in loro compagnia, zoveni et richi, zoè . . . . . di Obizi, Alexandro Bigolin, et uno . . . . . Amadi citadin veneto, qual si ha maridato a Padoa e fato citadin di Padoa. Et cussi vestiti d' oro con cadene, veneno zoso con le trombe avanti, acompagnati fino a caja, alozati . . . . .

Da poi disnar fo Pregadi, et leto le letere di Roma et Franza con grandissima credenza.

Fo fato scrutinio di do Savii dil Consejo in luogo di sier Nicolò Bernardo e sier Antonio Justinian dottor è ozi ussiti per voler intrar Consieri di Venexia, et intrerano a di . . . Rimaseno sier Marco Dandolo dottor cavalier e sier Marco Antonio Loredan, uno per 5 mexi, l' altro per 2 mexi, e introno subito. Et ancora fo fato eletion di tre Savii ai ordeni in luogo di quelli intrerano sora i extimi et sono zà fuora di Collegio.

#### *Scurtinio di do Savii dil Consejo.*

|                                                                                        |         |
|----------------------------------------------------------------------------------------|---------|
| Sier Alvise di Prioli fo Savio del Consejo, qu. sier Piero procurator . .              | 112. 83 |
| Sier Alvise Gradenigo fo Cao dil Consejo di X, qu. sier Domenego et cavalier . . . . . | 94.113  |
| Sier Antonio Condolmer fo Savio a Terraferma, qu. sier Bernardo . . .                  | 71.137  |
| † Sier Marco Dandolo dottor e cavalier, fo capitano in Crete . . . . .                 | 130. 75 |
| † Sier Marco Antonio Loredan fo capitano a Padoa, qu. sier Zorzi . . .                 | 115. 85 |
| Sier Gasparo Malipiero fo Cao dil Consejo di X, qu. sier Michiel . . .                 | 87.117  |
| Sier Zuan Badoer dottor cavalier, è ambaxiator in Franza . . . . .                     | 110. 95 |

E nota. Sier Zorzi Pixani dottor e cavalier non volse esser nominato, et sier Alvise di Prioli cazete, perchè 'l non vol intrar.

#### *Eletion di 3 Savii ai ordeni*

|                                                                                                       |               |
|-------------------------------------------------------------------------------------------------------|---------------|
| Sier Almorò Dolfin, qu. sier Alvise da santo Anzolo . . . . .                                         | 116. 85       |
| † Sier Zuan Francesco Bragadin di sier Piero da san Severo . . . . .                                  | 142. 59       |
| Sier Francesco Donado di sier Vetur . .                                                               | 126. 76 162 * |
| Sier Fantin Contarini di sier Tadìo . .                                                               | 80.117        |
| Sier Almorò Barbaro fo a la doana di mar, di sier Alvise, qu. sier Zacharia cavalier, procur. . . . . | 135. 69       |
| Sier Francesco Surian fo a la doana di mar, qu. sier Andrea . . . . .                                 | 88.116        |
| † Sier Francesco Malipiero di sier Andrea, fo extraordinario . . . . .                                | 153. 49       |
| Sier Francesco Morexini di sier Marco da san Cassan . . . . .                                         | 130. 68       |
| † Sier Lunardo Balbi fo avochato grando, qu. sier Zuane . . . . .                                     | 152. 51       |
| Sier Zuan Batista Barbaro fo castelan a la Chiusa, di sier Francesco . .                              | 97.109        |
| Sier Bortolomio da Canal fo avochato grando, qu. sier Marin . . . . .                                 | 137. 69       |
| Sier Julio Donado fo a la taola di l' intrade, di sier Thomà . . . . .                                | 130. 74       |

Fu posto, per tutto il Collegio, che Mafio Cagnolin da Bergamo, al qual dil 1515, a di 23 April, fu dato ducati 23 di provision per paga li fo cresuto a ducati 30, per tanto sia preso che 'l dito sia reduto a ducati 20 per paga a page 8 a l' anno a la camera di Bergamo, e a questa condition sia Machon da Corezo. Fu presa. Ave: 133, 22, 5.

Fu posto, per li ditti, una gratia a li frati dil monastero di Santa Maria di gratia di Urzi nuovi di l'ordine di San Domenico, di conciederli certa calle, *ut in ca.* Ave: 143, 6, 9.

Fu posto, per li ditti, suspender li debiti di sier Bortolo Morexini qu. sier Andrea, per anni 2. Ave: 148, 12, 7.

Fu posto per li diti suspender li debiti di sier Francesco e Zuan Batista Moro, qu. sier Fantin per 2 anni. Ave: 159, 10, 7.

Fu posto, per sier Antonio Marzello e sier Domenego Trivixan savii ai ordeni, atento non ha potuto andar al viazo di Baruto Piero Novello marangon per esser a Lazareto per sospeto di peste, che andar